

Amanga Amaya

Yeso moyo are.⁽¹⁾ Yeso nigo akwete naende akaboka.⁽²⁾ Yeso nkoirana are.⁽³⁾ Yeso nere enchera ekogenda igoro.⁽⁴⁾ Yeso ngotoria are.⁽⁵⁾ Yeso nare nokobua gokora kende gionsi buna ere ase egetabu kia Luka 4.⁽⁶⁾ Yeso nomoruoti naende nare nooboruoti.⁽⁷⁾ Enchera yoka egochia ase oboruoti obo nokoiborwa eria kabere.⁽⁸⁾

Yeso nigo akwete ase omosalaba naende akabogoria ebibe biaito ase omobere oye. Ase ogwakwa kwaye intwe twagwenigwe.⁽⁹⁾ Nigo achandegete mono ase engencho yaito intwe twensi erio tochi komenya nere kare na kare.⁽¹⁰⁾ Nyasae nigo anyianchete ense mono erio agatoma omwana oye yeso gokwa ase ribaga riaito.⁽¹¹⁾ Nyasae namanyete nga titokonyara gwakwana engeria yebibe . Engeria eye nigo yareng eye rigori rinene naende titware konyara goikerania ekerengo kia nyasae nakio gekogera yeso acherete.⁽¹²⁾

Yeso nere ringana riakoregete koba omobere. Yeso akaba mwanyabanto.⁽¹³⁾ Yeso natarete ase ense eye agaetera emechando emenge na kwangwa.⁽¹⁴⁾ Ere akangwa na gochaywa. Onde bw'ensi taganetie komorigereria nonya nabo agatokorera emeremo emenene.⁽¹⁵⁾ Ere agatobwatania na tata.

Ase engencho yemeremo yeso akorete ase igo tegwereti intwe gwatananwa korwa ase nyasae. Yeso nigo akwete erio tobe nobomo na tata.⁽¹⁶⁾ Yeso nigo akwete tobe nobogima bwa kare na kare.⁽¹⁷⁾ Gwetera ase yeso ntore nobogima bwa kare na kare.⁽¹⁸⁾

Goetera ase yeso twabeirwe ebibe biato.⁽¹⁹⁾ Baria bamwengenire yeso tibagokwa ekiagera yeso nere okorwa obogima.⁽²⁰⁾ Yeso nere okorwa obogima ase baria bamwengenire.⁽²¹⁾ Nobogima obwo bwa kare na kare nigo bogochaka kegima ekero kwamonyorire ime ase enkoroyao.⁽²²⁾

Tori na meremo ende emiya oreteire erio ogende igoro.⁽²³⁾ Ekiorakore gioka nokomwegena yeso. Rangeriea erieta riaye ,omoborie agotorie. Omoborie akoborie. Nao are aiga rero. Omoika oye nao ore aiga kogokonya.

Rangeria erieta riomonene. Rangeria yeso naye notoorigwe. Naki koraorokie

nomonwa oo nga yeso nomonene na bwegene ase enkoru nga nyasae namobogetie korwa ase abakure, notorigwe.⁽²⁴⁾ Nobe nobogima bwa kare na kare. Obe omwana onyasae, omobiare ase oborwoti bw'a nyasae.⁽²⁵⁾ Oborwoti bwa nyasae nigo bore kare na kare.⁽²⁶⁾ Oborwoti bwa nyasae nao bore aiga ase abanto bosu baria baramonyorire buna omonene na omotooria.

Yeso nere bweka enchera ekogenda igoro. Rieta rinde teriri inse ye nse erio riratotorie.⁽²⁷⁾ Rituko erimo yeso nairane. Nkoirana are naende.⁽²⁸⁾ Naende rituko erimo nagambe korwa ase ense.⁽²⁹⁾ Amangana aya takwoboyia aye omwanchwa. Amangana aya nayogokomanyia nga chingaki nechinyenge nogocha kwa kristo nigo kore bwango. Yeso, kristo nairane naende.⁽³⁰⁾ Nigo ngoteba naende ekiagera nachete ase ense buna omwana, korende bono ekero arache eriakabere, nigo arache buna omoruoti ogocha esegi.⁽³¹⁾

Eye nero engaki kabe ange aye omosani omwanchwa. Eye nero engaki yogotegerera, eye nero engaki. Tokongia enkoru yao, toba mamincha ya nyasae.⁽³²⁾ Rero nario rituko riogotooreka.⁽³³⁾ Ira chingaki inke orwe omoyo gochia ase omonene. Moe obogima bwao. Moe obogima bwao. Nao are aiga ase engencho yao. Mwanchere akore emeremo yokogwenia ase ore. Agwenie enkoru yao naende agosobie korwa ase ebibe biao. Nare nokobua, nao are aiga.

Tiga Tosabe amo

Yeso omuya. Nakoboririe onyabere ebibe biane bionsi. Nakoboririe ontoorie. Nabeire ngokoa amagega korende bono nakoiraneire koranche nchene korwa ase ogotaba boronge. Koranche ngwenie. Koranche ngwenie kegima obogima bwane. Kobua mono, koranche oche omenye ime yane. Ninganetie nkomanye ninganetie imbe nobomo naye. Inche noyoo, inche noyoo kare na kare naye nyasae one, omoruoti one, naende nachorire kogokorera ase amatuko obogima bwane. Mbuya mono, omonene ase ogonkwera na gontooria. Nyore bionsi biria ore nabio. Ninsemeretie komenya naye kare na kare. AMINA.

Abamura na basubati baminto abanchwa, ase engencho mwasabire ogosaba oko na komonyora yeso ase chinkoro chiaino ase okwegena, bono inwe nebitongwa ebiyia more ime ya kristo.⁽³⁴⁾ Bono timori buna mwarenge kare. Bono tori buna kwarenge ekero egeke giaetire. Bono yeso nigo are enkoru yao.⁽³⁵⁾ Ogokumia nkori nga

omoika oye nao ore amo naye. Ee omoika omochenu nao ore amo naye. Nabe ogokoraa na kogotangana erio abe ogokworokia enchera yekeene eyio ekorua ase nyasae.⁽³⁶⁾

- ❖ Bono ebinto mbireo bike oganeirie gokora. Gosoma ringana ria nyasae botambe.⁽³⁷⁾ Nyora Ebibilia ochakere gosoma ase ebuku kia yohana. Soma na kweorokereria ringana ria nyasae nario riraonchore ebirengererio biao.⁽³⁸⁾ Egento kende
- ❖ Kabe nechingaki ogosaba nyasae kera rituko, naboigo omanyeye gotegerera. Oko nakwo okobwatana na nyasae. Eye nero enchera okoigwa eriogi ria nyasae ase ogotwara chingaki nere.⁽³⁹⁾
- ❖ Nyasae naganetie gokwana naye ase igo goika omotegerere. Kabe aare ase amangana atabwati ogosika gochia ase yeso. Saba omoika omochenu ogokonye erio komanya yeso.⁽⁴⁰⁾

Nagokire ase okoba nainwe. Nagokire nga mwarua obogima bwaino ase omonene. Timori bono buna mwarenge. Moogenderere gokina ase obuya nechisemi chio omonene na omotoria yeso kristo.⁽⁴¹⁾

- 1) Okomaanoka 1:18
- 2) Okomaanoka 1:18
- 3) Yohana 14:2,3
- 4) Yohana 14:6
- 5) Ogokora kwa abatomwa 4:12
- 6) Luka 4:18,19
- 7) Yohana 18:36,37
- 8) Yohana 3:5,6
- 9) Yohana 19:30, 1petero 2:24
- 10) Isaya 53:3,4
- 11) Yohana 3:16 Abagalatia 3:13
- 12) Abarumi 3:23,24
- 13) Yohana 1:14
- 14) Abaiberania 4:15
- 15) Isaya 53:3
- 16) Abarumi 5:10, Abakolosai 1:19-22

- 17) Yohana 10:10
- 18) Yohana 10:27
- 19) 1 yohana 2:2
- 20) Yohana 11:25,26
- 21) 1 Yohana 5:11,12
- 22) Abarumi 10:9
- 23) Abaefeso 2:8,9
- 24) Abarumi 10:9
- 25) Yohana 3:3, Abafilipi 3:20,21
- 26) Danieli 4:3, Luka 1:32,33
- 27) Ogokora kwa abatomwa 4:12
- 28) Okomanoka 1:8
- 29) Zakaria 14:4,9
- 30) Okomanoka 22:,12,13
- 31) Okomanoka 1:15
- 32) Abaiberania 3:15
- 33) 2 Abakorinto 6:2
- 34) 2 Abakorinto 5:17
- 35) Abagalatia 4:6
- 36) Yohana 16:13,14
- 37) 2 Timotheo 2:15
- 38) Abaiberania 4:12
- 39) Yohana 10:27
- 40) Yohana 14:15-17, Abaiberania 10:25
- 41) 2 Petero 3:18